

Statsråd: Heidi Grande Røys

Ref nr.:

Saksnr.: 200600524

Dato: 15.08.2006

**OVERORDNA FØRESEGNER OM FORVALTNING AV
STATLEGE KULTURHISTORISKE EIGEDOMAR**

1. Bakgrunn

Staten er eigar av mange kulturhistoriske eigedomar. Desse utgjer ein viktig del av vår felles kulturarv og representerer store verdiar, så vel kulturhistorisk som økonomisk. Regjeringa har difor starta eit arbeid med å systematisere og kartlegge informasjon om desse eigedomane, som grunnlag for utarbeiding av sektorvise landsverneplanar.

Ansvaret for eigedomsforvaltninga i staten er lagt til fleire aktørar. Regjeringa finn det difor føremålstalen leg å fastsetje felles overordna føresegner om forvaltning av kulturhistoriske statlege eigedomar, i form av ein kongeleg resolusjon.

2. Virkefelt og omgrep

2.1 Virkefelt for resolusjonen

Denne resolusjonen gjeld for all forvaltning av statlege kulturhistoriske eigedomar.

Heleigde statlege selskap og føretak som forvaltar eigne kulturhistoriske eigedomar, vert òg oppmoda om å legge resolusjonen til grunn for eigedomsforvaltninga si.

2.2 Omgrep

Statleg kulturhistorisk eigedom

Med *statleg kulturhistorisk eigedom* meiner ein bygning eller gruppe av bygningar med naturleg tilhøyrande uteområde, eigm av rettssubjektet staten, som anten er:

- a) freda i medhald av kulturminnelova,
- b) administrativt freda (statlege kulturminne som er listeførte i Fortidsminneforeninga sine årbøker av 1933-34),
- c) regulert til bevaring etter plan- og bygningslova,
- d) del av ein sektorvis landsverneplan som er godkjend av Riksantikvaren, eller
- e) vurdert av eigedomsforvaltaren og/eller Riksantikvaren til å vere ein kulturhistorisk eigedom.

Eigedomsforvaltning

Med *eigedomsforvaltning* meiner ein både normal drift og vedlikehald av ein bygning, inklusive uteområde, samt alle tiltak i samband med rehabilitering og endring av bygningar.

Landsverneplan

Med *landsverneplan* meiner ein eit overordna dokument som framstiller kulturhistoriske eigedomar i ein sektor, slik desse er kartlagt og utvald av sektoren/eigedomsforvaltaren i samråd med Riksantikvaren.

Forvaltningsplan

Med *forvaltningsplan* meiner ein eit dokument som framstiller prosedyrar og rutinar for drift, vedlikehald og gjennomføring av tiltak i samband med rehabilitering og endring av bygningar på ein eigedom.

3. Overordna målsetjingar

Staten sine eigedomar skal forvaltast på ein slik måte at dei kulturhistoriske og arkitektoniske kvalitetane til bygningane vert tekne vare på og synleggjort. Ansvoret for dette ligg hos dei statlege eigedomsforvaltarane.

Utarbeiding av landsverneplanar og forvaltningsplanar skal gi staten betre oversikt og kunnskap om dei einskilde eigedomane, og gi grunnlag for ei meir heilskapleg forvaltning av statlege kulturhistoriske eigedomar.

4. Utarbeiding av landsverneplan

Fagdepartementa er ansvarlege for at det vert utarbeidd landsverneplan(ar) for statlege kulturhistoriske eigedomar i sin(e) sektor(ar). Planen (planane) skal gje grunnlag for freding i medhald av kulturminnelova, samt innehalde oversikt over dei eigedomane sektoren/verksemda i samråd med Riksantikvaren vil verne på annan måte.

5. Utarbeiding av forvaltningsplan

Det skal utarbeidast ein forvaltningsplan for kvar enkelt av dei kulturhistoriske eigedomane. Det kan lagast felles forvaltningsplan for grupper av bygningar der desse inngår i ei naturleg eining.

Forvaltningsplanen skal gje ein omtale av dei prosedyrane og rutinane som gjeld for drift og vedlikehald av den aktuelle bygningen, med naturleg tilhøyrande uteområde. Forvaltningsplanen skal dessutan gi ein omtale av forhold som må takast omsyn til ved gjennomføring av tiltak i samband med rehabilitering og endring av bygningar.

Forvaltningsplanen skal utarbeidast i samsvar med antikvariske prinsipp. Den skal blant anna innehalde ei detaljert registrering og dokumentasjon av kvar enkelt bygning, forutan ein omtale av når rett kulturminnestyresmakt skal kontaktast.

6. Fagdepartementa sitt ansvar

Det einskilde fagdepartement er ansvarleg for at dei overordna føresegne om forvaltning av statlege kulturhistoriske eigedomar vert følgde opp. I dei tilfella ansvoret for eigedomsforvaltninga er lagt til ein eller fleire underliggjande eller tilknytte verksemder, skal oppfølginga inngå som ein del av styringsdialogen mellom fagdepartement og underliggjande eller tilknytt verksemde.

7. Iverksetjing

Denne resolusjonen vert sett i verk 01.10.2006.

Fornyings- og administrasjonsdepartementet

tilrår

1. Staten sine eigedomar skal forvaltast på ein slik måte at dei kulturhistoriske og arkitektoniske kvalitetane til bygningane vert tekne vare på og synleggjort. Ansvaret for dette ligg hos dei statlege eigedomsforvaltarane.
2. Det skal lagast landsverneplanar for statlege kulturhistoriske eigedomar. Fagdepartamenta er ansvarleg for at det blir utarbeidd landsverneplan(ar) i sin(e) sektor(ar). Planen skal gi grunnlag for freding i medhald av kulturminnelova, samt innehalde oversikt over dei eigedomane sektoren/verksemda i samråd med Riksantikvaren vil verne på annan måte.
3. Det skal utarbeidast ein forvaltningsplan for kvar enkelt av staten sine kulturhistoriske eigedomar. Det kan lagast felles forvaltningsplan for grupper av bygningar der desse inngår i ei naturleg eining.
4. Departementa er ansvarlege for at det vert utarbeidt landsverneplanar og forvaltningsplanar. I dei tilfella ansvaret for eigedomsforvaltinga er lagt til ein eller fleire underliggende eller tilknytte verksemder, skal forvaltinga av dei kulturhistoriske eigedomane takast opp i styringsdialogen mellom fagdepartementet og underliggende eller tilknytt verksemnd.
5. Resolusjonen trer i kraft frå og med 01.10.2006.